



Siverth K. Heilmann

UKA 2022/72-1

Atassut

20. oktober 2022

**Isumaginninnermut pisortaqarfik angerlarsimaffinni meerartaqarfiusuniit eqqissiviillortoqarsimatillugu ilisimatinneqarnerini aaqqiagiinngittoqartillugu akunnermiliuttusarneq pillugu neqeroorummik pilersitsisoqarnissaa anguniarlugu Naalakkersuisut peqquneqarnissaat pillugu inatsisartut aalajangiiffigisassaattut siunnersuut.**

(Inatsisartunut ilaasortaq Anna Wangenheim, Demokraatit)

Siullermik siunnersuuteqartup qulaani qulequttamut saqqummiussaqaarninnut qujanaq, imatullu Atassummiit naatsumik oqaaseqarfigissavarput.

Qulequtarineqartoq tunngavilersuutigineqartoq Politiit, Meeqqat illersuisuata MIO-p nalunaarutaa-niit issuaaneruppata, angerlarsimaffinni meeqqallu akuutillugit perulluliortoqartarnera pillugu saqqummiussaq, pisartunut inatsisitigut peqqussutitigullu, pitsaanerulersitsinissamik siunertat ajoraluartumik iluatsivissinnaanngitsunut ilaavoq.

Ukiorpassuarni imigassaq ikiaroorntoq allarpassuillu inersimasuni angajoqqaanillu atugaasartillu-gu, angerlarsimaffinni aaqqiangiinngissutaasartut atuuttuuartillugit meeqqat inuusuttuaqqallu tujor-misinneqaannaratik, angajoqqaaminniik avissaartitaasarput. Pinaveersaartitsinermik suliniuteqarneq aningaasaliisarnerillu annikilliartunngikkaluartut, kingunerisartagaat suusarneri nammineq ilisimavasi.

Angerlarsimaffinni eqqissiviilliornerit (huspetakler) amerlanertigut imigassartorsimanermik aallaaveqartut annikitsulli politiinut politiit sulinerminni nalunaarsuineranut allaannarneqartarput, annertuuliornerilli meeqqallu akuutillugit tamatigut, inunnik isumaginnittoqarfimmiut pilertortumik kalerrinneqartarput. Nunaqarfinni kommunefoged-it sakkortuuliortoqartillugu eqqissisitsinerlu sapilersimappata, politiit aggertariaqalartarnerput piffissaq qanoq ilinera apeqqutaaneq ajorpoq.

Siunnersuuteqartup meerartatta ilaqutariillu nuanniilliornermiit meeqqattalu iliuitsit nuanninngitsunik ingerlatseqqinissatsinnut piffissanngorneranik tunngavilersuutimi ilaani

oqariartuuteqaraluartoq, taamaattoq qanga børnehjemmet, meerarsiannngortitsinerit il. il. atuunnerugallernerisa nalaaniit, manna tikillugu ajornartorsiut eqqartortuagaq milliartunngilaq.

Nammineq ukiut 33-vini politikkeritut sulininni iliuitsit aaqiiniarnermullu suliniutit pitsassuartut isigalugit politikikkut aalajangeeqataaffigisakkat ikinngeqaat. Naggataagut oqaqqinnartariaqarpoq angajoqqaat nammineq, meerartik meeqatik pillugit maligassiunerunissarput takutitsigu, ajornartorsiutip nappaatitut tuniluuttuarneratut unitsissagutsigu oqaluinnarata aatsaat ilorraap tungaanut alloriassaagut.

Pisortanut nalunaartussaataitaneq ingerlasarpoq, taamaattorli eqqartukkat imaannaanngitsuuneri matumanilu siunnersuuteqartup tikkuartugaanut nalilersuiuarnigut pitsaanerulersinnissaat siunertaralugu, suliap aappassaaneerreqartigani, ataatsimiititaliamut susassaqartumut ingerlaqqaarnissaa Atassummiit inassutigaarput. Ataatsimiititaliarlu sulilluarnissaanik kissaallutigu.

Qujanaq.